

唐  
音  
統  
籤

庚籤一僧詩之十二皎然 唐音統籤卷八百八十三

五言絕句

雜興萬首絕句補

人生分已定富貴豈妄來不見海底泥飛上成塵埃

寓言

吾道本無我未曾嫌世人如今到城市彌覺此心真

問天

天公何時有談者皆不經誰道賢人死今為傳說

星

戲作

乞我百萬金封我異姓王不如獨晤時大笑放清  
狂

前溪作

春歌已寂古水自瀉徒誤時人輩傷心作逝  
川

渡前溪

不意入前溪愛溪從錯路清一鑿不足非是深難  
渡

望遠村

林杪不可分  
水步選難辨  
一片山翠邊  
依稀見村遠

惜暮景

踈陰花下動  
片景松梢度  
夏日舊未長  
佳游何易暮

待山月

夜々憶故人  
長教山月待  
今宵故人至  
山月知何在

暮陵登望

萬首白補

西底空流水東垣但聚雲最傷梅嶺望花雪雪正紛

界石守風望天竺靈隱二寺

山頂東西寺江中旦暮潮歸心不可到松路在青

霄

九日與陸處士羽飲茶

九日山僧院東籬菊也黃俗人多泛酒誰解助茶

香

招韓武康章

山僧雖不飲沽酒飲陶潛此意無人別多為俗士

魚

湖南蘭若示大衆諸公

未到魚為岬空憐不繫舟  
東山白雲意歲晚尚悠

戲呈薛彞

山僧不厭野才子會酒狂  
何處銷君無春風擺綠

楊

酬李補闕紆

不住東村寺雲泉處々  
行近臣那得識禪客本無

名

醉崔侍御見贈

市隱何妨道禪棲不廢詩  
與君為此說長破小乘疑

贈顏主簿

漢家儀禮盛名教出諸顏  
更子尚書後能文在子山

贈柳喜得嵩山法門自稱嵩山老

一見嵩山老吾生恨太遲  
問君軍後許曾出上皇時

贈韋卓陸羽

只將陶與謝終日可忘情不欲多相識逢人懶道  
名

秋居法華寺下院望高頂贈如巖上人

峯色秋天見松聲靜夜聞影孤長不出行道在寒

一作  
溪雲

贈融上人

嘗愛西林寺池中月出時芭蕉一片葉書取寄吾  
師

寄路溫州

萬首絕  
句補

欲問采靈藥何如學無生愛鶴頗似君且非求仙



情

聽寒更寄米魯巨川

歌枕聽寒更寒更發還住一夜千萬聲幾聲到君處

留別關士和

不慣人間別多應忘別時逢山又逢水只畏却來遲

送靈徹

我欲長生夢無心解傷別千里萬里心只似眼前月

送李道士

常從山上下忽限江南北共是忘情人何由肯相憶

答李季蘭

天女來相試將花欲染衣禪心竟不起還捧日花歸

七言絕句

長安少軍

翠樓春酒蝦蟆陵長安少軍皆共矜份々半醉綠槐道蹀躞花驄驕不勝

塞下曲二首

寒塞無因見落梅胡人吹入笛聲來  
夢之亭上春應度夜々城南戰未回

都護今年破武威胡沙萬里鳥空飛  
旄竿瀚海掃雲出種騎天山踏雪歸

長門怨

春風日々開長門搖蕩春心似夢魂  
誰一作若遣花

開只閉一作妾不如一作棄李正一作魚言

昭君

自倚嬋娟望主恩誰知美惡怨相翻  
黃金不買漢

宮貌青塚空埋胡地魂

銅雀妓

強開罇酒向陵者憶得君王舊日歡不覺餘歌悲  
自斷非閑艷曲轉聲難

戲題二首

看飲逢歌日屢曛我身何似繫浮雲時人不解野  
僧意歸去溪頭作鳥群

喧口共在是非間終日誰知我自閒  
偶客狂歌何所為欲於人事強相關

赤松澗

綠岸朦朧出見天  
晴沙灑水濺  
何處羽人長  
洗藥殘花無數  
逐流泉

李中丞洪水亭夜集

佳人且莫吹參差  
正憐月色生  
酒卮山公取醉不  
關我為愛樽前白鷺鷥

春夜集陸處士玩月

欲賞芳菲肯待晨  
忘情人西林  
可是無  
清景祇為忘情不記春

夜過康錄事造會兄弟

愛君門館夜來清  
瓊樹凌枝是弟兄  
月在詩家徧

足思風過客位更多情

西白溪期裴方舟不至

望君不見復何情  
野草閒雲處  
生應向秦時武  
陵路  
花間  
寂歷  
一人行

青陽上人院說青陵故事

以下二首又苑英華補

君說南朝全盛日  
秣陵才子最多人  
千軍秋色古  
池館誰見齊王西邸春

秋晚宿破山寺

秋風落葉滿空山  
古寺殘雲石壁間  
昔日經行人  
去盡寒雲杳  
自飛還

舟行懷閩士和

二月湖南春草遍橫山渡口花如霰相思一日在  
孤舟空見歸雲兩三片

法華寺上方題江上人禪堂

路入松蘿遠更奇山光水色共參差中峯禪寂一

僧在坐對梁朝老檜枝

寄題雲門寺梵月無側房

高僧傳無側外國人時人相傳是室

月道人後身也

越山千萬雲門絕西僧貌古還名月清朝掃石行

道歸林下眠禪看松雪

題湖上草堂

山居不買剡中山湖上千峯處  
閒芳草白雲  
我住世人何事得相關

題秦系山人麁句亭

獨將詩教領諸生  
但看青山不愛名  
論院竹敲堪  
愈疾亂牀花片足  
忘情

酬秦山人出山呈

手携酒榼共書幃  
迴語長松我即歸  
若是出山机  
已息嶺雲何事替君非

酬秦系山人題



雲林出定鳥未歸  
松吹時飄雨沐衣  
石語花悲徒自說  
吾心見境盡為非

酬秦系山人戲贈

正論禪寂忽狂歌  
莫是塵心顛倒多  
白足行花曾不染  
黃裳貯酒欲如何

酬秦山人見尋

左右香童不識君  
擔簦訪我領鷗羣  
山僧待客無俗物  
唯有窓前片碧雲

酬初判官湖上見贈

歲、湖南隱已成  
如何星使忽知名  
沙鷗悵逸魚

心容今日無君不解驚

酬張明

愛君詩思動禪心使我休吟待鶴吟  
更說郡中黃霸在朝、無事訪招尋

答張烏程

莫道謫官無主人秣陵才今日相親  
前溪更有忘憂處荷葉田、間白蘋

答胡處士

西山禪隱比來聞厚道唯應我  
與君世上無名可忘却人間聚散似浮雲

答裴評事澄荻花開送梁蕭拾遺

波上荻花飛雪  
花風吹撩亂  
蒲絮濛濛如今歲晏  
芳草獨對離尊  
作物華

釋裴循春怨

蝶舞鶯歌喜歲芳  
柳絲裊々蕙帶長  
江南春色共君有何事  
君心獨自傷

投知己

若為今憶洞庭春  
上有閒雲可隱身  
無限白雲山  
要買不知山價出何人

戲呈吳馮

世人不知心是道只言道在他方妙還如瞽者望  
長安長安在面向東笑

宿法華寺簡靈澈上人

至道無机但杳冥孤燈寒竹自青熒不知何處小  
乘客一夜風前聞誦經紀事題止作宿法華寺者  
句作心與空林共杳冥青

熒作熒、風  
前作風未

贈張道士

至京真子名太乙因服日華心如日此心不許世  
人知只向仙宮未曾出

寄常一上人

雁塞五山臨汗漫雲州一路出青冥何因請住嘉  
祥寺內史新修湖上亭

同顏魯公泛舟送皇甫侍御曾

維舟若許暫從容送過重江不厭重霜簡別來今  
始見雪山歸去又難逢

送邢台州濟

海上仙山屬使君石橋琪樹古來聞他時畫出白  
團扇乞取天台一片雲

冬日梅溪送裴方舟之宣州

平明匹馬上村橋花散梅溪雪未銷日短天寒愁

送客楚山無限路遙

送裴參軍還下邳舊居

北望煙銷驃騎營  
虜烽無火楚天晴  
此時千里西

思一作歸客泗上春風得及耕

送許丞還洛陽

剡茗晴來亦好斟  
空門一別肯沾襟  
悲風不動罷

瑤軫忘却洛陽歸客心

九月八日送蕭少府歸洪州

明日重陽今日歸  
布帆絲雨望霏霏  
行過鶴渚知

堪住家在龍沙意有違

送侯秀才南游

芳草隨君自有情，不關山色與猿聲。  
為看茂子潮頭石，曾憶題詩不著名。

送商季舉

比來知爾有詩名，莫恨東歸學未成。  
新豐有酒為我飲，消取故園傷別情。

送韋向睦州謁獨孤使君記

才子南看多遠情，閒舟蕩漾任春行。  
新安江色長如此，何似新安太守清。

送柳察諫議省耕

東城南陌強經過，怨別無心亦放歌。  
明日院公應問我，閒雲長在石門多。

造康錄事宅送太祝姪之虔吉訪兄弟

一作江帆

院咸別曲四座愁，賴是春風不是秋。  
漫江帆一作行訪兄弟猿聲繞，夜宿芦洲。

寺院聽胡笳送李殷

一奏胡笳客未停，野僧還欲廢禪聽。  
將誰此意臨江別，無限春風葭葉青。

送別

聞說情人怨別情，霜天淅瀝在寒城。  
長宵漫角



聲發禪子無心恨急生

送碩道士游洞庭

見說洞庭無上路  
春游亂踏五靈芝  
舍桃風起花  
狼籍正是仙翁棋散時

送覆霜上人還金陵西山

携錫西山步綠莎  
禪心未了奈情何  
湘宮水寺清  
秋夜月落風悲松柏多

送辯聰上人還廣陽

莫學休公學遠公  
了心須與我心同  
須一隋家古  
柳數株在  
看取人間萬事空

送文會上人還富陽

悠悠漱、屬寒波故寺思歸意若何長憶孤舟二  
三月春山偏愛富春多

送至嚴上人歸山

初到人間杳始陰山書昨夜報春深朝、花落幾  
株樹惱殺禪僧未證心

送維諒上人歸洞庭

從來湖上勝人間遠愛浮雲獨自還孤月空天見  
心地寥々一水鏡中山

別洞庭維諒上人

白雲閑我不閑他  
此物苗君情最多  
憶看春風生  
橘樹歸心不怕洞庭波

送僧之京師

綿、渺、楚雲繁萬里  
西歸望國門  
禪子初心易  
悽斷秋風莫上少陵原

送清所上人游福建

禪子自矜禪性成  
將來一作擬照建溪清  
南看閩  
樹花不落更取何緣情一作了無情

送僧游揚州

平明柳鉢向風輕  
正及隋堤柳色行  
知爾禪心還

似我故宮春物肯傷情惠禪師擲鉢乘  
之赴陝帝召

### 送僧游宣

楚山千里一僧行  
念爾初緣道未成  
莫向舒姑泉口泊  
中鳴咽易傷情

### 送僧律

斜日搖揚在柳絲  
孤亭寂々水逶迤  
誰堪別後行人盡  
唯有春風起路岐

### 送勝雲小師

昨日雪山記爾名  
吾今坐石已三生  
少年道性易流動  
莫遣秋風入別情

戲題松樹

為愛松聲聽不足每逢松樹遂忘還  
條然去外更何事笑向雲間似我閒

庚籤一僧詩之十三一然集十一唐音統籤卷八八百八

聯句

潘述 以下二人前見顏真卿傳

湯衡

裴濟 字方舟 從事

王遘 以下三人前見皇甫曾集

齊翔

李縱

崔子回 見已籤終御史時未仕

鄭說 前見皇甫曾集

李令從 司直

陸士修 見顏集

閻伯均 李季蘭集有送詩蓋吳人

盧幼年 郎中吳興守

陸羽 見已叢

崔遠 安吉令

崔萬 見顏集

韓章 武康令

顧况 見丁叢

盧滌 以下四人未詳

李恂

鄭述誠

楊秦卿

疾澄

巨川

從心

抗

仲文

俱失姓不可

四言講德聯句

疑是馬顏公頌

先王設位以正邦國建五大官封植有德述二南

敷化四岳述職其言不朽其儀不忒衡暨于羸劉

乃創程式器候置守剖竹分域書赫矣皇唐康哉

立極精選藩翰庸資正直述爰命我公東土作則

克已恭儉疲人休息衡濟之閭開油之黍稷既雷



既教足兵足食畫恤其凋瘵剪其荆棘威懷遠叛

撲滅螫蠱疾惡如讐聞善不惑哀矜鰥寡旌禮

儒墨衡乃修堤防乃濬溝洫以利通商以漑嘉穀

書徵賦以節計功以時人胥懷惠更不能欺述我

政載孚我邦載綏猛獸不暴嘉魚惟滋肅恭明

神齋沐不虧歲或驕陽而無德期書帝嘉有庸寵

命來斯紫紱載綏金章陸離述資忠履孝閱禮敷

詩明德惟馨自天祐之衡

四言講古文聯句

帝出于震文明始敷述山岳降氣龜龍負圖濟爰

有書契乃立典謨畫先知孔聖飛步天衢衡漢承

秦弊尊儒尚學述百氏六經九流七畧濟屈宋援

武班馬繼作畫或頌燕然或贊麟閣衡降及三祖

始變二雅述仲宣閒和公幹瀟灑衡登于江表其文

史不野畫左張精與稽阮高冢衡登于江表其文

鬱兵衡綺麗爭簇繁蕪則懲述詞暉春華思清冬

氷述景純跌宕游仙獨步衡青雲其情白壁其句

衡靈連山水實多奇趣述遠迹孤峯龍騰鳳翥述

陶令田園匠意真直畫春柳寒松不凋不飾述江

濟雜軀方見才力衡擬之信工似而不逼述鮑昭從

軍立意危苦述氣勝其詞雅愧于古述隱侯声病

剗制規矩書時見琳瑯惜哉榛楛書謝眺秀散詞

理翻： 衡孤蓮奕深造精研衡惠休翰林别白

離堅述有會必愜無慚曩賢衡吳均頗勁失于典

裁畫竟波瀾徒工邊塞畫彼柳吳兵高視時輩

衡汀洲一篇風流寡對衡何遜清切所得必新述

緣情既象象物又真述江德微正未越常倫畫時

合風無或無滯畫二杜繁俗三劉瓌碎衡陳徐

之流陰張之輩衡伊數公者閩域之外述吁此以

還有同自鄒述

五言項王古祠聯句

遺廟風塵積荒途歲月侵  
英靈今寂寞客衛尚  
森沉畫霸楚志何在平秦功未泯  
諸侯歸復肯  
青史古將今  
畫星聚分已定天亡力豈任  
畫采繁  
如可薦舉酒瀝空林  
畫

五言還丹可成詩聯句

羽化自仙骨  
延年資琴生  
畫金徑放靈秘玉液流  
至精透八石  
思共鍊九丹  
知可成  
畫吾心苟無妄  
神理期合併  
畫封灶用六一  
置門考休鷺  
畫浮光  
含日彩  
圖質煥雲英  
畫持此保壽命  
眼之關性情

查 跋予望仙侶高咏昇天行 述 鶴駕方可致霓裳

定將迎衛 不因五色藥安著七真名 查揮奴在微

露全功知感誠 述 与君乘城市携手訪蓬瀛 衛

五言建安寺西院喜王郎中遵思命初至

聯 句 時郎中正入西方道場

跡就空門退官從 查省選任持良有願朝謁况無

綠 通 身淨金繩內心馳玉宸前 查榮添一兩日恩

降九霄軍 翔慕法能輕冕追非欲佩 慈 從 樓閣那

可久駕鸞待行 聯 句

五言建安寺夜會對雨懷皇甫侍御曾 聯 句

相思非是遠風雨遺情多畫願欲披雲見難堪候  
曉過從夜長同歲月地近極山河說戒相初傳授  
文章舊切磋違時稔洛下詠人許郢中歌子惆悵  
徒延看其如一水何翔

五言泛長城東溪暝宿崇光寺寄處士陸羽  
聯

箬水青似箬玉山碧于玉子逼霄沓萬狀截地分  
千曲畫萍解深可窺林豁遙在矚子已高物外賞  
稍滌區中欲畫野鶴翔又飛世人羈且跼子沉吟  
跡所誤放浪心自足畫恤懷虛舟客願寄生芻束

何說詩整頽波玄豕激浮俗畫荆吳備登歷風土

隨編錄向子恨耳清景別擬教長路促畫漢鳥語鶴

嘍寺花翻躑躅向子印圍水壇淨香護蓮衣觸畫捧

經放妙燈救衽礼金粟向子安得叩闕子玄言對吾

屬

五言与崔子向泛舟自招橘徑箬里宿天居

寺憶李侍御萸渚山春游淺期不及聯一十

六韵以寄之

暗日春態深寄游恣所適畫寧妨花木乱轉學心

耳窅向子取性憐鶴高謀閒任山僻畫倚杖息空曲

拾履行淺磧向子渚筭入里逢野梅到村滴畫碑殘

飛雉嶺井翳潛龍宅即陳帝宅子向壞寺鄰壽陵古壇留

劫石畫穿堦筍節露拂尾松梢碧向子天界細雲還

墻陰雜莢積畫懸燈繼前焰遙月昇圓魄向子何意

清夜期坐為高峰隔畫茗園可交袂藤澗好停錫

向子微雨聽濕巾迸流從點席畫戲猿隔枝透驚鹿

逢人擲向子觀物賞已奇感時思彌極畫芳菲如馳

箭望望共君惜向子

五言渚山春暮會顧丞茗舍聯句效小庾體

誰是惜春人相携送春日因君過茗舍留客開蘭



室陸士修濕苔滑竹屐柔草低藉瑟鶻喜語成雙花

狂落非子一向子烟濃山焙動泉破水春疾莫初掛瓢

枝會移閨書帙畫顏容樵與隱豈聞禪兼律攔竹

不求疎細藤從更密修地添逸少墨園雜莊生漆

景晏枕猶款酒醒頭擲擲子向雲教淡棧慮地可遺

名寔應待御莽畫青幽期踏方出畫

五言與潘述集湯衙宅懷李司直縱聯句

幽獨何以慰友人顧茅茨衛已忘歲月念載說清

閒時述旭日舒朱槿柔風引綠施畫迢迢青溪路

耿耿芳樹枝衛執袵空躑躅來城自遠迤述相思

寄採掇景晏獨驅馳

五言秋日滿述自長城至雪上與畫公湯評  
事遊集累日時司直李公假往蘇州有阻良  
會因與二公聯句以寄

離念非前期秋風忽已至述芸黃衆芳晚搖蕩居  
人思述白霜淒以積高梧颯而墜衡悠然越山川  
復此恨離異述時景易變謝述歡難魚遂述惜分  
緩迴舟懷遙企歸駟衡休澣情自高來思日云未  
述

五言喜畫公尋山迴相遇聯句

幾年無此會今日喜相從  
送後夏仍多病前書達  
幾封畫水華迎暮雨松吹引疎鐘  
畫出谷隨初月尋僧說五峯  
送

五言道觀中和潘丞觀青溪圖聯句

畫得青溪樣且于紫府觀  
畫日明烟霧薄風落水  
容寬萬畫野高低接商丘  
井邑攢送疏川因稼穡  
出使問艱難畫

五言春日對雨聯句

春烟帶微雨漠漠連城色  
桐葉生微陰桃花更宜  
濕靜蕭條暗楊柳散漫下原隰  
歸路不我從遙心

空佇立畫林低山影近岼轉水流急芳草自堪遊  
白雲如可揖畫尋山禪客意苦雨陶公什遊行情  
未終歸飛暮相及畫峰高日色轉潭淨天光入却  
欲學神仙空思謝朋執章為道貴道遙趨時多苦  
集瓊英若可餐青紫徒勞拾畫

五言春日會韓武康章後亭聯句

後園堪寄賞日日對春風客位繁陰下公墻細柳  
中畫坐看青嶂遠心與白雲同韓林暗花烟入池  
深遠水通楊井桃新長蕊欄藥未成叢文松竹  
宜禪客山泉入謝公畫砌香翻芍藥簷靜倚梧桐

章外慮隨簾捲忘情與道空秦楚僧招惠遠蜀客

挹揚雄文仲便寄柴桑隱何勞訪郟東畫

五言送別聯句

相逢情不厭惜別意難為章吾道應無住前期未

可知畫輕霜凋古木寒水縮荒陂章賓雁依沙嶼

浮雲慘路岐畫林疎看野迥岸轉覺山移章寄賞

驚搖落歸心嘆別離畫草堂思偃蹇塵尾去相隨

頌况勿謂光音遠禪房會一窺章

五言康錄事宅送僧聯句

蓮衣宜着雨竹錫好隨雲畫見鶴還應養逢鷗自

作群崔子

五言與邢端公李台題瘦石聯句

共題詩句遍爭坐薛文稀書缺

六言秋日盧郎中使君幼平泛舟聯句

共載清秋客船同瞻皂蓋朝天盧悔使比來相得

如今欲別潸然平漸驚徒御分散愁望雲山接連

畫魏闕馳心日月吳城揮手年年陸送遠已傷飛

雁裁詩更切嘶蟬滿送空懷鄒杜心醉永望門欄壯

悄悄李別思無窮無限還如秋水秋烟鄭述

七言與李司直令從荻塘聯句

画舸悠々荻塘路真僧與我相隨去寒花似菊不  
知名霜葉如楓是何樹李令從倦客經秋夜共歸情  
多語盡期相顧遙城候騎來仍少傍嶺哀猿發無  
數畫心閒清淨向禪寂興逸縱橫間章句蟲聲切  
切草間悲螢影紛紛月前度從令掩亂雲峰好賦詩  
嬋娟水月堪為喻與君出處本不同從此還依舊  
山住畫

七言重聯句

相將惜別且遲上未到新豐欲醉時幼去罷獨携  
鄭氏酒入朝可忘習家池羽仍憐故吏依依戀自

有清光處心隨迷晚景南徐何處宿秋風北固不  
堪辭畫吳中許酒饒佳興秦地關山引夢思藻對  
酒已傷嘶馬去街恩只待掃門期恂

三言安吉崔明府山院聯句

人不擾政已和世處寡山情多畫禪客至墨卿過

興既洽情如何達

四言重聯句

肅心清院脩心碧鮮已見心遠何關地偏畫自公  
退食昇堂草玄紛心已隔雲心淡然達

五言重聯句



瀑溜聞窗外晴風逼座間畫掛冠徒有意芳桂香  
難攀達

六言重聯句

清高素非宦侶疏散從來道流今日還輕墨綬知  
君意在滄洲畫浮雲任從飄蕩寄隱也信沉浮不  
似漳南地僻道安為我淹留達

七言重聯句

劉令興多常步履柴桑事少但援琴間招法侶從  
山寺每擬幽芳傍竹林畫捲簾只愛荆峰色入座  
偏宜郢谷吟誰許近來輕印綬因君昨日悟禪心

達

五雜組聯句

五雜組前入  
顏真卿集

五雜組篋中線往復還  
斐飛燕不得已長門怨

四言與昂上人兩字離合四句初字日

有一鳥雖凌寒獨宿若逢雲雨兩兩相逐

次日

野外有一人獨立無四鄰  
彼見是我身我見是彼身

七言遠意聯句

家在炎州往朔方  
疾豈如于闐望瀟湘  
澄曾經隴

底復遼陽川更憶東去採扶桑畫查客三千路未

央伯均燭龍之地日無光疾將遊莽蒼窮大荒畫車

轍馬足逐周王均

七言暗思聯句

斜風飄雨三十夜疾鄰女餘光不相借川跡滅塵

生古人畫畫洞房重扉無隙罅均燭滅更深月西

謝心

七言樂意聯句

良朋益友自遠來均萬里鄉書對酒開畫子孫蔓

行負奇才疾承顏弄鳥詠南陔澄鼓腹擊壤歌康

哉  
川

七言恨意聯句

同心同縣不相見  
疾獨采靡蕪詠團扇  
均莫聽東隣搗霜練  
遠憶征人淡如霰  
澄長信空塔荒草遍  
抗從明妃初別昭陽殿

庚籤一僧詩之十四同人卷 唐音統籤卷八百八十五

靈徹字源澄俗姓湯會稽人雲門寺律僧也少嗜

學好篇章從嚴維學為詩維卒抵吳興與僧皎然

游講藝益至貞元中皎然薦之包佶又薦之李紆

名振輦下緇流嫉之造飛語激中貴人貶徙汀州

會赦歸鄉吳楚間諸侯多賓延之元和中化於山

陰寺遷塔宣州之開元詩一卷唐志十卷宋志一

集云上人文章接才子以禪理悅高人風儀甚

雅談笑多味初在吳興杼山與畫公為侶予方以

西髦執筆視陪其吟咏皆曰孺子可教後相遇京

洛與支許之契後門人秀峰刪其詩二千首為

三百篇勒成十卷詞人剛唱別為十卷詩僧多出

江左靈一導其源故國襲之清江揚其波法振沿

唐音統籤卷八百八十五

之如公能俗衆體畫公後激公承之至如芙蓉園新寺  
詩曰經來白馬寺僧到赤烏年論汀州云青蠅為  
吊客黃犬寄家書可謂入作者蘭域豈獨雄於詩  
僧問耶非德與云徹上人詩語其庚易如不出  
常境而終非忍慮可至按激詩所存無幾劉序  
全集佳亟稱其二  
聯似未甚許可在

### 聽鶯歌

新鶯傍簷晚更悲孤音清冷嚼素枝口邊血出語  
未盡豈是怨恨人不知不食枯桑甚不銜苦李花  
偶然弄樞機婉轉凌烟霞衆雛飛鳴何獨健自覘  
游蜂啄枯木玄猿何事朝夜啼白鷺長在汀洲宿  
黑鷗黃鶴豈不高金籠玉鈎傷羽毛三江七澤去

不得風烟日暮生波濤飛去來莫上高城頭莫下  
空園裏城頭鷓鴣烏拾糶腥空園燕雀爭泥滓願當  
結舌含白雲五月六月一聲不可聞

歸湖南作

山邊水邊待月明暫向人間借路行如今還向山  
邊去只有湖水無行路

初到汀州

初放到滄州前心詎解愁舊交容不拜臨老學梳  
頭禪室白雲去故山明月秋幾年猶在此北戶水

南流

九日和于使君思上京親故

清晨有高會賓從出東方  
楚俗風烟古汀洲草木  
涼山情來遠思菊意在重陽  
心憶華池上從容鴛  
鷺行

送道虔上人游方

律儀通外學詩思入玄關  
烟景隨緣到風姿與道  
開貫花留淨室呪水度空山  
誰識浮雲意悠々天  
地間

送鑿供奉歸蜀寧親

林間出定戀庭闈  
聖主恩深暫許歸  
雙樹欲辭金



錫冷四花猶向玉塔飛  
梁山拂漢分清鏡  
蜀雪和烟惹翠微  
此去不須求綵服  
紫衣全勝老萊衣

天姥岑望天台山

天台山  
中  
衆峰外華頂當寒空  
有時半不見  
崔嵬在雲

遠公墓

僧  
古墓石稜稜  
寒雲晚景凝  
空悲虎溪月  
不見雁門

宿東林寺

一作雲門雪夜

天寒猛虎叫巖雪  
一作松  
下無人空有月  
千

年像教今不聞焚香獨為鬼神說

簡寂觀

古松古栢岩壁間猿攀鶴巢古枝折五月有霜六月寒時見山翁來取雪

元日觀郭將軍早朝

欲曙九衢人更多千條香燭照星河今朝始見金吾貴車馬縱橫避玉珂

東林寺酬韋丹刺史

激與韋丹相契丹以思歸絕句寄激云已為平

子歸休計五老岩前必共潤激時之云

年老心閒無外事麻衣草座亦容身相逢盡道休

官去林下何曾見一人

東林寺寄包侍御

古殿清陰山木春池邊  
跂石一觀身誰能來此焚

香坐共作壺峯二十人

言十八賢增我二人也

西林寄楊公

見宋法欽高僧集

日日愛山歸已遲  
間間空度少年時  
余身定寄林

中老心與長松片石期

答徐廣叔四問

童子出家無第行  
隨師乞食遣稱名  
長沙豈敢論

年幾絳老惟知甲子生

閻李處士亡

時時聞說故人死日日自悲垂老身白髮不生應  
不得青山長在屬何人

句

松樹有死枝塚上唯莓苔石門無人入古木花不

開古道邊綠竹歲寒在故人衰老多苔花月色靜中

見泉聲淡處聞山石古觀茅山下諸峯欲曙時真

人是貴子玉堂生紫芝題李導禪門至六祖衣鉢

無人得題曹溪能大古墓碑表折荒壠松栢稀古

暮秋深知氣正家近覺山寒登梨山僧不記重

陽白因見茱萸憶去年九今非古獄下莫向斗邊

看宿延平又前望天台山歸湖南三詩並見皎然

信書畫畧云會稽沙門實澈願自浙右見示製作

親其風我情致不下古手不得古人如此諸作皆

妙至歸湖南一篇尤使老僧欲奔筆硯

馳疏有薦風月之間亦足仰助高興

海月生殘夜江春入暮年窻風枯硯水山兩慢琴

絃雪浪齊日記云靈澈詩僧中第一

芙蓉園詠汀州二聯見前傍註又鮑詒集云澈

公居廬山韋丹為江西師與為忘形之契篇什倡

絕于文圃為之立序今七詩無一存者灌花容

石鏡 白鹿洞 虎 錢 鉛 鹿 王 廟

清江會稽人初從曇一學律後遇忠國師傳心要

善篇章儒家筆語體高辭典大曆貞元間與清畫

齊名稱為會稽二清詩十九首高僧傳云江公性

詩人識為四背中之一背蓋謂衲子不當作情語

也臂寧曰詩人寓言與顯用意不倫若然者言火

此則焚口說食則療飢矣安知此詩非警世無常引入佛窟

七夕景迢迢相逢只一宵月為開帳燭雲作渡河

橋映水金冠動當風玉珮搖惟愁更漏促離別有

明朝

### 長安卧病

身世足堪悲空房卧疾時卷簾花雨滴掃石竹陰

移已覺生如夢堪嗟壽不知未能通法性詎可免  
支離

夕次葉邑

何處成吾道經年遠路中客心猶向北河水自歸  
東古戍鳴寒角竦林振夕風輕舟惟載月那與故  
人同

湘川懷古

瀟湘連汨羅復對九疑河浪勢屈原塚竹聲漁父  
歌地荒征騎少天暖浴禽多脉脉東流水古今同  
奈何

喜皇甫大夫同宿大梁驛

興靈一詩大同

江頭旌旆去花外卷簾空  
夜色臨城月春寒渡水  
風也知行李別暫喜話言同  
若問廬山事終身愧  
遠公

宿嚴秘書宅會章八元

佳期曾不遠甲第即南隣  
惠愛偏相及經過豈厭  
頻秋光寒葉動夕霽月華新  
莫話羈紲事平原是  
主人

上都訓章十八兄

每歎經年別人生有幾年閑  
河長問道風雨獨隨



緣寓蝶成莊夢懷人識稱賢嶽猷不及此空媿白  
華篇

送贊律師歸嵩山

禪客歸心急山深定易安清貧修道苦孝友別家  
艱雪路浸溪轉苑宮映嶽看到時瞻塔墓松月向  
人寒

送堅上人歸杭州天竺寺

十年勞負爰經論化中朝流水知鄉近和風惜別  
遙雲山零夜雨花岫上春潮歸卧南天竺禪心更  
寂寥

春游司直城西鶴鷺谿別業

別墅軍城下，門喧未可齊。  
春深花蝶夢，曉隔柳烟韞。  
韶景浮寒水，踈楊映綠堤。  
沿河看竹色，來往聽鶯啼。  
久慢持生術，多親種藥畦。  
家貧知素行，心苦見清溪。  
越客初投分，南枝得寄棲。  
禪機空寂寞，雅趣賴招携。  
本寺重江外，游方二室西。  
徘徊戀知己，日夕草萋萋。

早春書情寄河南崔少府

日日東風至，陽和似不均。  
病身盛益老，愁鬢不知春。  
宇宙成遺物，光陰促幻身。  
客游傷未路，心事向

何人道薄猶懷土時難欲厭貧微才如可寄赤縣  
有卿親

早發陝州途中贈嚴秘書

此身雖不繫憂道亦勞生萬里江湖夢千山雨雪  
行人家依舊壘關路閉層城未盡一作絕交河虜猶  
屯細柳兵一作營艱難嗟遠客一作道接托賴溪情貧  
病吾何有精修許少卿

喜嚴侍御蜀還贈嚴秘書

往年分首一作手出咸秦木落花開秋又春江客不  
曾知蜀路旅魂何處訪情人當時望月思文友今

日迎驄見近臣多羨二龍同漢代綉衣芸閣共榮親

贈淮西竇兵馬使

破虜功成百戰場天書新拜漢中郎  
吹門旌旆春風起對客絃歌白日長  
堦下闌雞花乍折一作營  
南試馬柳初黃一作長  
由來吳楚多同調感激逢君共異鄉

登樓望月寄鳳翔李少尹

陌上涼風槐葉凋夕陽清露濕寒條  
登樓望月楚山上月到樓南山獨遠  
心送秦人超鳳闕目隨陽

鴈極烟霄軒車不重無名客此地誰能訪寂寥

送車參軍江陵

作戴倫詩者誤

槐花落盡柳陰清  
簫索涼天楚客情  
海上攜山無的信  
東門一作歸路不堪行  
身隨幻境勞多事  
跡學禪心厭有名  
公子道存知不棄  
欲依劉表往南荆

月夜有懷黃端公兼簡朱孫二判官

月照疎林鶯鵲飛  
羈人此夜共無依  
青門旅寓身空老  
白首頭陀力漸微  
屢向曲池陪逸少  
幾回戎幕接玄暉  
四科弟子稱文學  
五馬諸侯是繡衣  
江

鴈往來曾不定野雲搖曳本無機  
修行未盡身將盡欲向東山掩舊扉

句

萬木無一葉客心悲此時

秋日晚泊  
吟窓雜錄

庚籤一僧詩之十五

四卷人

唐音統籤卷

八百八十六

護國江南人工詞翰有聲大曆間詩八首

按唐人品

詩並以皎然靈一護國法振四人為稱首

歸山作

諠靜各有路，禍隨心所安。縱然在朝市，終不忘林巒。四皓將拂衣，二疏能挂冠。憲前隱逸傳，每日三時看。斯尚那可論，屈原亦可歎。至今黃泉下，名及青雲端。松牖見初月，花間禮古壇。何處論心懷，世上空漫漫。

題醴陵玉仙觀歌

王喬一去空山觀白雲至今凝不散  
一作垣松  
 殿幾千秋往往笙歌下天半  
 瀑布西行過石橋黃精採根還採苗  
 路逢一人擊藥梳松花夜雨風吹滿  
 自言家住在東坡白犬相隨邀我過  
 南山石上有棋局曾使樵夫爛斧柯

訪雲母山僧

森然古巖裏淨行一番僧  
 松下澆寒水佛前挑夜燈  
 蓮花國土異貝葉梵書能想到  
 空王境無心問愛憎

題王班水亭



湖上見秋色曠然如爾懷豈惟歛隴畝兼亦外形  
骸待月歸山寺彈琴坐暝齋布衣閑自貴何用謁  
天階

山中寄王負外

為問幽蘭桂空山復若何芬芳終有分採折更誰  
過望在軒堦近恩霑雨露多移居僮得地長願接  
瓊柯

許州鄭使君孩子

一作法  
振詩

毛骨貴天生肌膚片玉明見人空解笑弄物不知  
名國器嗟猶小門風望益清抱來芳樹下時引鳳

離聲

愴故人舊居

惆悵至日暮寒鴉啼樹林破階苔色厚殘壁兩痕  
淡命與時不遇福為禍所侵空餘行竹一作迢在令  
我歎人吟

逢靈道士

浮丘山上見黃冠松柏森森登古壇一莖青竹以  
為杖數顆仙桃仍未餐長安市裏仍賣卜武陵溪  
畔每燒丹縮地往來無定所花源到處路漫漫

別盛安

情人取次幾淹留，別後南州與北州。  
月色為憐今夜客，砧聲那似去年秋。  
欲除豺虎論三畧，莫對雲山詠四愁。  
親故相逢且借問，古來無種是王侯。

傷蔡處士

篋中遺草是琅玕，對此空令灑淚看。  
三徑尚餘行跡在，數螢猶是映書殘。  
晨光不借泉門曉，暝色唯添壠樹寒。  
欲問皇天天更遠，有才無命說應難。

臨川道中

出谷入谷路回轉，秋風已至歸期晚。  
舉頭何處望行蹤，萬仞千山鳥飛遠。

贈張駙馬斑竹拄杖

此君與我在雲溪勁節竒文勝杖藜為有歲寒堪  
贈遠玉階行處願提携

法振

振一作震  
又作貞

大曆貞元間以詩名今存詩十六

首

李益寄振詩為向江南故人道江淹已擬惠休  
詩姚合嘗取其病愈寄友送人遊閩二詩入極

集

病愈寄友

文苑作皎然詩誤皎  
公弔山集元無此篇

哀樂暗成疾卧中芳月移西山有清士孤嘯不可  
追搗藥晝林靜汲泉陰澗遲微蹤與麋鹿遠謝求

年知

程評事西園之作

誰向春鶯道名園已共知  
簷前迴水影城上出花  
枝搖拂烟雲動登臨翰  
墨隨相招能不厭山舍為  
君移

陳九溪中草堂

溪草落濺濺魚飛入稻田  
早寒臨洞月輕素卷簾  
烟頰情題新句簾衣象古  
賢曙花間秀色三十六  
峰前

題天長阮少府湖上客歸

孤棹移官舍新農寄楚田  
晴林渡海日春草長湖

烟卧對閑鷗戲談經推子賢佳期更何許應向嘯  
臺前

題萬山許鍊師

道成人不識流水響空山花暗軒窓外雲隨坐卧  
間驗圖名已久絕粒事長閑更欲崑崙去羞看絳  
節還

河源破賊後贈袁將軍

白羽三千駐蕭蕭萬里行出關溪漢壘帶月破藩  
營蔓草河原色悲笳碎葉聲欲朝玉母殿前路駐  
高旌

越中贈程先生

紗帽度殘春，虛舟寄一身。  
溪邊逢越女，花裏問秦人。  
古塞連山靜，陰霞落海新。  
有時城郭去，暗與酒家親。

送常大夫赴朔方

閩山今不掩，軍候鳥先知。  
大漢嫫媧入，烏孫郅曲隨。  
高旌天外駐，寒角月中吹。  
歸到長安第，花應再滿枝。

送人游閩越

不須行借問，為爾語閩中。  
海島陰晴日，江帆來去

風道游玄度完身寄胡陵公此別何傷遠如今關  
塞通

送褚先生海上尋封鍊師

潮落風初定天吳避客舟近承三殿旨欲向五湖  
游不厭烏皮几新縫鶴氅裘明珠潭斷岸陰火映  
中流華蓋芝童引神丹桂女收懸知居縹緲因為  
識浮丘

送韓侍御自使幕巡海北

微雨過山夜洗兵繡衣遙拂海風清幕中運策心  
應苦馬上吟詩卷已成離亭不惜花源醉古道猶



看蔓草生因說元戎能破敵高歌一曲隴闌情

張舍人南谿別業

新田繞屋半春耕  
藜杖開門引客行  
山翠自成微雨色  
谿花不隱亂泉聲  
漁家遠到堪留興  
公府懸知欲厭名  
入夜更宜明月滿  
凌童喚出解吹笙

別盧使君歸故柵村

歸風白馬引嘶聲  
落日猶看楚客情  
寒口竹緣空戍沒  
潮頭沙擁漫岡成  
松田且欲親耕種  
郡守何偏問姓名  
東道宿程投故柵  
依依漁父解相迎

丹陽浦送客之海上

不到終南向幾秋移居更欲近滄洲  
風吹雨色連村暗  
潮擁菱花出岫浮  
漠漠望中春自艷  
寥寥泊處夜堪愁  
如君豈得空高枕  
只益天書遣遠求

月夜泛舟

西塞長雲盡南湖片月斜  
漾舟人不見卧入武陵  
花

送友人之上都

玉帛微賈楚客稀  
猿啼相送武陵歸  
湖頭望入桃花去  
一片春帆帶雨飛

句

画鼓催來錦臂囊小娥雙起整霓裳

語陽秋 韻

廣宣俗姓廖蜀中人元和長慶兩朝並為內供奉

賜居安國寺紅樓院有詩名紅樓集

志失載未詳卷數

存詩十七篇

李益詩愈及元白劉諸公多與偈和益與聯句尤多益贈詩云光皇詔下

徵還日今上龍飛入內時又章孝標贈詩云朝驚雲氣逸天閣暮踏猿聲入劍門據此似元和中曾

為甲或以此然其詩自是盛唐格調非諸袖子所及能

### 駕幸天長寺應制

天界宜春賞禪門不掩關宸游變闕外僧引百花  
間車馬喧長路烟雲淨遠山觀空復觀俗皇鑒此

中閭

早秋降誕日獻壽二首應制

穆宗寔錄帝以七月六日生

秋莫開六葉元聖誕千年統殿祥風起當空瑞日  
懸道光中國主人識天羅仙敢贊無疆壽香花上  
法筵

萬方瞻聖日九土仰清光  
罄地山河壯彌天福壽  
長瑞烟薰法界真偈啓仁王  
看獻千秋樂千秋樂  
未央

九月菊花咏應詔

可訝東籬菊能知節候  
芳細枝青玉潤繁葉碎金

香集氣浮朝露濃  
姿帶夜霜泛杯傳壽酒應共樂  
時康

寺中柿樹一蒂四顆應制

珍木生竒畝  
低枝拂梵宮  
因開四界分  
本自百花中  
當夏陰涵綠  
臨秋色變紅  
君看葉草喻  
何減太陽功

降誕日內度獻壽應制

憲宗實錄帝以二月生

慶壽千齡遠  
敷仁萬國通  
登霄欣有路  
捧日愧無功  
仙駕三山上  
龍生二月中  
修齋長樂殿  
講道大明宮  
此地人難到  
諸天事不同  
法筵花散後  
空界

滿香風

禁中法會應制

天上萬年枝人間不可窺道場三教會心地百王  
期待讀沾恩早傳香駐日暉在遙還向道通籍許  
言詩空覬陪仙列何階答聖慈從今精至理長願  
契無為

皇太子頻賜存問并索唱和新詩因有陳謝  
望苑招賢後禪扉訪道餘祇言俟文雅何意及庸  
虛率性多非學緣情偶自書清風聞寺響白日見  
心初重道逢軒后崇儒過魏儲青宮列梗粹玄圃

積瓊瑤鄭胤寧容者齊等久舍諸空懷受恩感含  
思幾躊躇

駕幸聖容院應制

大唐國裏千年聖王舍城中百億身却指容顏非  
我相自言空色是吾真深殿虔心隨寶輦廣庭徐  
步引金輪古來貴重緣親近狂客慚為侍從臣

駕幸普救寺應制

南方寶界幾由旬八部同瞻一佛身寺壓山河天  
宇靜禳懸日月鏡光新重城柳暗東風暖複道花  
明上苑春向晚鸞輿歸鳳闕曲江池上動青蘋

安國寺隨駕幸興唐觀應制

東林何殿是西隣  
禪客垣牆接羽人  
萬乘游仙宗有道  
三車引路本無塵  
初傳寶訣長生術  
已證金剛不壞身  
兩地盡修天上事  
共瞻鑿駕重來巡

聖恩願問獨游月磴閣直書其事應制

禪居河畔無多地  
來往尋春物正華  
磴道上盤千畝竹  
欄干低壓萬人家  
簷前施飯來飛鳥  
林下行春踏落花  
自解剎那知佛性  
不勞更喻幾塵沙

紅樓院應制  
此詩及後一詩原載文苑英華

李于鱗選目之刻詩紀者樂收入任期集  
中今考段成式游長安諸寺紀及程大昌



雍錄紅樓院在長樂坊安國寺本睿宗在  
 藩時舞榭玄宗開元八年為睿宗祈福建  
 時於期已前卒而廣宣之奉詔居紅樓及  
 以紅樓名其詩集見白樂天諸家詩題甚  
 明故其詩以支遁量摩自比云自濟溪院  
 得翔翔至再入道場乃長慶初年憲宗晏  
 駕穆宗初登極內殿作功德時故有南方  
 歸去再生天及見關乾坤新定位等句而  
 以兩朝常在聖人前結之其為宣公作固  
 不待也讀者不察以前改正者為非故  
 之著

紅樓疑見白毫光寺逼宸居福盛唐支遁愛山情  
 謾切曇摩泛海路空長經聲夜息聞天語壚氣晨  
 飄接御香誰謂此中難可到自憐溪院得翔翔

再入道場紀事應制

南方歸去再生天內殿今年異昔年見闢乾坤新  
定位看題日月更高懸行隨香輦登仙路坐近壺  
烟講法筵自喜恩深陪侍從西朝長在聖人前

九月十五日夜宿鄭尚書網東亭望月寄杜  
給事

霜天晴夜宿東齋松竹交陰暝素懷迴出風塵心  
得地可憐三五月當階清光滿院恩情見寒色臨  
門笑語諧霄漢路殊從道合往來人事不相乖

賀王侍郎典貢放榜

紀事云王起以會昌中  
放第二榜宣以詩賀起  
有答元極劉夢得皆和焉  
按起長慶元年  
年以中書舍人遷禮部侍郎覆試貢士次

年復掌貢舉得士尤精此云兩開金榜當是長慶二年也起凡四典文開會昌中則第四榜矣起常播長慶中為相故未有共鈞陶之句以祈之

從辭鳳閣掌絲綸  
便向青雲領貴賓  
再闢文章無枉路  
兩開金榜絕寬人  
眼看龍化門前水  
手放鸞飛谷口春  
明日定歸台席去  
鵲鶴原上共陶鈞

寺中賞花應制

東風萬里送香來  
上界千花向日開  
却笑霞樓紫芝侶  
桃源溪洞訪仙才

懷浦中唐時僧未詳出家本末集一卷錄今存詩

二篇

贈智舟三藏

壯歲心難伏師心伏豈難尋常獨在院行坐不離  
壇嶽雪當禪暝松風入呪寒更因文字外多把史  
書看

初冬旅舍蚤懷

枕上角聲微離情未息機夢回三楚寺寒入五更  
衣月沒樓禽動霜晴凍葉飛自慚行役早溪與道  
相違